



Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

Naalackersuisut sunik eqqarsaatersuuteqarpat nioqqutissat ”kingusinnerpaamik atasinnaavoq xx.xx.xx”-mik allagartallit qanganitsertoornikut nioqqutigineqarsinnaanissaannut akuersinissaminut?

(Inatsisartunut ilaasortaq Justus Hansen, Demokraterne)

Tunngavilersuut

Pingaaruteqarpoq inuussutissanut ulluliunneqarsimasut assigiinngitsut marluk immikkoortinnissaat:

Tunineqarsinnaaffia ulloq kingulleq inuussutissanut asiujasuunut ulluliunneqartarpoq, piffissap sivikittuinnaap ingerlanerani inuup peqqissusaanut uloriarnartorsiortitsisinnaasarmata.

Atasinnaavoq kingusinnerpaamik xx.xx.xx taamatut ulluliinikkut nioqqutissiortup uppersartarpaa ulloq pineqartoq tikillugu nioqqutissap pitsaassusaa ajortinnaviangitsoq. Kalaallit Nunaanni inerteqqutaavoq inuussutissanik sunilluunniit ullussamikkuq qaangiisimasunik nioqquteqarnissaq. Aamma taamaakkallarpoq Danmarkimi. EU-mut ilaasortat nunat amerlanersaanni ajornarunnaarnikuvoq, inuussutissanik ”tunineqarsinnaaffia ulloq kingulleq xx.xx.xx” qaangiussimagaluarpuunniit nioqquteqarsinnaaneq. Tamatumunnga pissutaavoq nioqqutissat/imeruersaatilluunniit taakku peqqinnissamut ulorianaateqannginnerat – atuisartut taamaallaat ilisimaneqassaaq, nioqqutissiortup nioqqutissaq pitsaassusaa akisussaaffigisinnaajunnaarsimagaa taamaattumillu nioqqutissaq pisiarineqartassaaq immaqaa naatsorsuutigisamit ajornerusinnaasoq.

Tamatta ilisimavarput maani nunami inuussutissanik nunaqarfinnut isorliunerusunullu assartuineq imaannaangissinnaasoq. Tamatuma kinguneranik, niuertarfiit allatut ajornartumik nioqqutissanik



”atasinnaavoq kingusinnerpaammik xx.xx.xx”-mik qaangiisimasunik eqqaasariaqartarput. Tamanna uggornartutut isigaara, inuussutissat ilaat ajoquteqarneq ajormata. Tamanna tunngavigalugu

kissaatigaara, inuussutissanik ”atasinnaavoq kingusinnerpaamik xx.xx.xx” qaangiisimasunik niuertarfiit nioqquteqartarnissaannut Naalakkersuisut qanoq isumaqarnersut.

Ilisimatitsissutigissavara, Danmarkimi Inuussutissanik nakkutilliivik tusarniaanermut imatut akussuteqarsimammat:

Nioqqutissat poortoriikkat ”atasinnaavoq kingusinnerpaamik xx.xx.xx” qaangiisimasunik nioqquteqarnerup inerteqqutaanerata atorunnaarsinnissanut siunnersuut pillugu tusarniaaneq.

Tusarniaanermut atatillugu akissuteqarnissaq killeqarpoq 5. september 2011. Siunnersuut akuerineqassappat, taava tamatuma kingorna inuussutissanik nioqqutissiortut Danmarkimi periarfissaqalissapput inuussutissanik poortoriikkanik atasinnaaneranut sippuisimasunik nioqquteqarsinnaalissapput.

Apeqqutit akeqquneqarput nalignnaasumik piffissarititaasut ullut sulliviit qulit qaangiutsinnagit.